



**Broj predmeta:** 13-002411/18  
**Broj akta:** 01.1-1141SM-0011/18  
**Datum,** 5.10.2018. godine  
**Mjesto,** Brčko

Na osnovu članova 16. i 17. Zakona o Vladi Brčko distrikta BiH – prečišćeni tekst («Službeni glasnik Brčko distrikta BiH», broj: 22/18), u skladu sa članom 25. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda, sa preporukom Komisije, broj: 13-002411/18 od 04.10.2018. godine, gradonačelnik Brčko distrikta BiH d o n o s i

### **ODLUKU O IZBORU NAJPOVOLJNIJEG PONUĐAČA**

#### **Član 1.**

U provedenom otvorenom postupku za nabavku usluga vršenja nadzora nad izvođenjem građevinskih radova na izgradnji višestambenog objekta u stambenom naselju Brčko Novo, Brčko distrikt BiH (8 stanova), za potrebe Odjeljenja za raseljena lica, izbjeglice i stambena pitanja Vlade Brčko distrikta BiH, izabran je najpovoljniji ponuđač kojem se dodjeljuje ugovor.

Naziv najpovoljnijeg ponuđača je „GRADITELJ“ d.o.o. Brčko  
Vrijednost ugovora bez uračunatog PDV-a iznosi

**4.500,00 KM.**

#### **Obrazloženje**

Komisija za nabavke je nakon izvršenog otvaranja ponuda konstatovala da je, do momenta otvaranja ponuda ponude dostavilo dva ponuđača i to: „Graditelj“ d.o.o. Brčko i „Institut za građevinarstvo“ „IG“ d.o.o. Banja Luka. Sastavni dio odluke čini zapisnik o pregledu i ocjeni ponuda. Komisija je utvrdila da su ponude ponuđača pripremljene i dostavljene na način propisan tenderskom dokumentacijom u pogledu načina pripreme, dostave i sadržaja ponude. Prilikom utvrđivanja ispunjenosti tehničkih uslova propisanih tenderskom dokumentacijom Komisija je utvrdila da su ponude ponuđača u skladu sa tehničkim uslovima predviđenim tenderskom dokumentacijom. Izvršena je računrska kontrola ponuda i konstatovano je da nije bilo računskih grešaka. Nakon izvršene računrske kontrole, Komisija je u skladu sa članom 66. stav 1. Zakona o javnim nabavkama, od ponuđača „Graditelj“ d.o.o. Brčko pismeno zatražila obrazloženje ponuđene cijene. Ponuđač je dostavio obrazloženje ponuđene cijene dana 04.10.2018.godine dopisom broj: 232-ED-0-10/18 od 04.10.2018.godine koje je prihvaćeno od strane Komisije. Nakon provedene analize dostavljenih ponuda Komisija je utvrdila da je iznos najpovoljnije ponude u okviru procijenjene vrijednosti nabavke, te je dala preporuku o izboru najpovoljnijeg ponuđača u skladu sa kriterijumom najniže cijene.

#### **Član 2.**

Postupak je proveden na osnovu Odluke o pokretanju postupka javne nabavke broj: 13-002411/18 od 25.07.2018. godine, Obavještenja o nabavci broj: 1157 1 2 613 3 579/18 objavljenog na portalu javnih nabavki dana 10.08.2018. godine, specifikacije usluga i ponude najpovoljnijeg ponuđača.

### Član 3.

Novčana sredstva za realizaciju predmetne nabavke su osigurana Okvirnim sporazumom zaključenim između Razvojne Banke Vijeća Evrope (RBVE) i Bosne i Hercegovine za Regionalni stambeni program – Sporazum o grantu za provođenje Pod-projekta DPSZ BiH3 (2014).

### Član 4.

Ova odluka stupa na snagu danom donošenja i biće objavljena u «Službenom glasniku Brčko distrikta BiH».

#### POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

#### DOSTAVLJENO:

1. Pododjeljenju za javne nabavke,
2. Ponuđačima,
3. Odjeljenju za raseljena lica, izbjeglice i sambena pitanja,
4. Gradonačelniku,
5. Zamjeniku gradonačelnika
6. «Službenom glasniku Brčko distrikta BiH»,
7. Arhivi.

GRADONAČELNIK

Mr sc. Siniša Milić

